

# *La Esperanto-komunumo sin preparas por Zamenhof-festoj*



**Zamenhof-  
festoj tra la  
mondo**

**Bildo: revuoesperanto**

La Zamenhofa tago, la 15-an de decembro estas la naskiĝtago de L. L. Zamenhof (1859-1917), la iniciatinto de Esperanto, kaj la plej vaste celebrata festotago en la Esperanto-kulturo.

En tiu tago (aŭ en alia konvena semajntago ĉirkaŭ ĝi) esperantistoj tra la mondo okazigas specialajn renkontiĝojn por festi la okazon. La idearo de Esperanto kaj la proksimeco de la Zamenhofa tago al Kristnasko instigas la kunvenintojn interŝanĝi donacojn (prefere librojn verkitajn en Esperanto) kaj bondezirojn. Kompreneble okazas dum tiaj kunvenoj ankaŭ prelegoj pri L. L. Zamenhof.

Laŭ iniciato de unu el niaj plej signifaj verkistoj, Julio Baghy, ni festas je la 15-a de decembro ankaŭ la Esperantan kulturon. Por la plialtigo de la spirita nivelo de la esperantistaro, Baghy proponis (Publika letero, 1931), ke la Zamenhof-tago estu ankaŭ la tago de la Esperanta libro, Esperanto-literaturo, kulturo.

Legemuloj, kleriĝemuloj pri la esperantaj literaturo kaj kulturo aĉetu libron aŭ komencu legadon de nova esperanta libro, ankaŭ per tio celebru la Esperanto-literaturon je tiu tago.

Baldaŭ okazos en la tuta mondo diversaj eventoj, renkontiĝoj kaj festoj lige kun la Zamenhof-tago, la 15-a de decembro. Por montri la vigecon de tiuj okazoj, la retejo Eventa Servo ekkomencis specialan paĝon: <https://zamenhof.eventaservo.org>. Ĝi ligas al la serĉilo de Eventa Servo, ĝe kiu jam aperas pli ol 30 rilataj eventoj!

La paĝo estas rezulto de kunlaboro inter Yves Nevelsteen, komisiito de UEA pri reta agado kaj kunordiganto de la Fonduso Instigo, Fernando Ĝajani, kreinto de Eventa Servo, kaj Lode Van de Velde, eldonisto (Eldonejo Libera).

UEA invitas la Esperanto-komunumon kapti la okazon aldoni al la listo ankaŭ sian eventon aŭ feston ĉirkaŭ la Zamenhof-tago. Ĉu mankas via festo? Aldonu ĉin! Instruĉian filmeton pri kiel registriĉi oni vidu ĉe: <https://mallonge.net/es1>

Se restas dubo aŭ se vi spertas praktikan malfacilaĉon, ne hezitu sendi retmesaĉon al [kontakto@eventaservo.org](mailto:kontakto@eventaservo.org).

Fonto: [revuoesperanto.org](http://revuoesperanto.org)

---

<https://www.radiohc.cu/eo/especiales/exclusivas/307398-la-esperanto-komunumo-sin-preparas-por-zamenhof-festoj>



**Radio Habana Cuba**